

# Masih banyak ruang **perlu dibaiki**

Perubahan perlu ikut faktor semasa walaupun pengurusan sampah di negara ini antara yang terbaik

**SHAH ALAM** - Pengurusan sampah di negara ini antara yang terbaik berbanding dengan negara lain.

Pensyarah dari Jabatan Biologi, Fakulti Sains Universiti Putra Malaysia, Prof Dr Ahmad Ismail berkata, namun begitu, langkah pengurusan sampah perlu ditingkatkan mengikut peredaran masa.

"Isu barangan plastik dan bekas diperbuat daripada 'styrofoam' paling banyak dibincangkan sebab keadaannya yang tidak mudah reput.

"Ia akan beri kesan kepada tapak pelupusan sampah," katanya.

Menurutnya, isu pengurusan sampah atau sisa pepejal sudah lama dibincangkan di negara ini.

"Bagaimanapun ia masih menjadi perbincangan seolah-olah tidak ada kesudahannya.

"Justeru, program pen-

didikan masyarakat terutamanya di kawasan perumahan perlu digiatkan lagi," katanya.

Beliau berkata, program kitar semula mesti dipergiatkan di semua peringkat termasuk di sekolah, universiti dan kalangan masyarakat umum.

"Kita dapat lihat aktiviti kitar semula dijalankan, namun begitu, ia masih belum cukup setanding negara maju.

"Kita lihat banyak tong kempen pengasingan sampah dan kitar semula di kawasan tumpuan seperti lapangan terbang, hospital, jabatan kerajaan, sekolah, universiti dan lain-lain.

"Namun, sejauh mana keberkesanannya perlu dianalisis dan dilaporkan untuk meningkatkan kesedaran dan amalan umum," katanya.

Dalam pada itu, Ahmad yang juga Naib Presiden



**Menteri Besar, Datuk Seri Mohamed Azmin Ali (dua, kanan) mengagihkan tong sampah di penempatan penduduk, baru-baru ini.**

Persatuan Pencinta Alam Malaysia (MNS) turut mengakui rata-rata rakyat negara ini sedia maklum pengurusan sampah dan kesannya.

"Bagaimanapun amalan dan kesedaran masih rendah.

"Saya nampak langkah kerajaan mengurangkan penggunaan beg plastik atau 'tiada beg plastik' pada hari Sabtu (contoh di Selangor) masih belum berjaya sepenuhnya.

"Langkah pendidikan dan

latihan perlu dilakukan secara berterusan," katanya.

Bagi menyahut saranan kerajaan, menurutnya, MNS turut mengadakan banyak aktiviti pendidikan pengurusan sampah dan kitar semula me-



**AHMAD**

lalui program Kelab Pencinta Alam (KPA).

"Saya juga cadangkan institusi yang menyediakan tong sampah kitar semula, mengkaji sejauh mana keberkesanan kempen atau aktiviti berkenaan.

"Selagi masyarakat tidak mempunyai kesedaran sepenuhnya dan mengamalkan pengasingan sampah dan kitar semula, saya yakin ia tidak akan berjaya," katanya.